

Namminersornerullutik Oqartussat naatsorsuuseriveqarnerat il. il. pillugit nalunaarut

Namminersornerullutik Oqartussat naatsorsuuseriveqarnerat il. il. pillugit Inatsisartut inatsisaanni 3. november 1994-imeersumi § 3 naapertorlugu makku aalajangersarneqarput:

KAPITALI I

Naatsorsuuseriviup suliassai

§ 1. Namminersornerullutik Oqartussat inatsisinik tunngaveqarlutik ingerlatsineranni tamarmi naatsorsuuseriveqarnek inatsisinik tunngaveqarluni aningaasanik aqutsinermi aningaasaqarnikkut pilersaarusiortarnernut, aqutsinernut nakkutilliinernullu paasissutissanik nalunaarsuinerit aqutigalugit naammassisaqarluartarnissamut ilapittuisuusassaaq.

Imm. 2. Naatsorsuuseriveqarnek aqutigalugu paasissutissanik pisariaqartunik piffissap aalajangersimasup ingerlareernerani naatsorsuutini saqqummiussisarnissanut aammalu Landskarsip naatsorsuutaasa suliarineqartarnissaannut atortagassanik pissarsisoqartassaaq.

Imm. 3. Namminersornerullutik Oqartussat naatsorsuuseriveqarnerat il. il. pillugit Inatsisartut inatsisaat nr. 23, 3. november 1994-imeersoq aammalu Inatsisartut Naalakkersuisullu pillugit Inatsisartut inatsisaat nr. 11, 20. oktober 1988-imeersoq naapertorlugit paasissutissanik naatsorsuutit kukkunersiorneqartarnernut atortagassanik naatsorsuuseriveqarnek ilapittuisuusassaaq.

KAPITALI II

Naatsorsuuseriveqarnermi pineqartut

§ 2. Namminersornerullutik Oqartussat naatsorsuuseriveqarnerat pillugu aalajangersakkani Namminersornerullutik Oqartussani immikkoortortaqaarfiit tamarmik pineqarput, tassa pisortaqaarfiit, sullissiviit taakkununga immikkoortortaaq, aningaasaateqaarfiit fondit immikkut ittut il. il. aammalu sullissiviit imminnut pigisut Namminersornerullutik Oqartussat immikkoortortaqaarfinut naligititaallutik akuersissuteqartarnernut inatsisini ilanngunneqartartut.

Imm. 2. Aalajangersakkat aammattaaq atuutitinneqartassapput sullissiviit imminnut pigisut, peqatigiiffiit, aningaasaateqaarfiillu fondit il. il. naatsorsuutaannut Inatsisartut inatsisaanni nr. 23-imi 3. novemberimeersumi § 2, iitun. 2 naapertorlugu pineqartunut ilaasussatut naalakkersuisunit aalajangiiffiqarsimasunut.

KAPITALI III

Naatsorsuuseriveqarnerup aaqqissuussaanera

Naalakkersuisut

§ 3. Namminersornerullutik Oqartussat naatsorsuuseriveqarnerat pillugu malittarisassat naalakkersuisunit aalajangersarneqartassapput.

Aningaasaqarnermut Pisortaqarfik

§ 4. Inatsisartut inatsisissaattut, peqqussutissaattut inatsisinik tunngaveqarluni allaffissornikkut ingerlatsinissamut siunnersuutit Namminersornerullutik Oqartussat naatsorsuuseriveqarnerat pillugu aalajangersakkanik imaqtut Aningaasaqarnermut Pisortaqarfimmut akuerisassanngorlugit saqqummiunneqartassapput.

Imm. 2. Namminersornerullutik Oqartussat aningaasaataasa aningaasanngorlugillu akiligassaasa inatsisinik tunngaveqarluni ingerlanneqarneri Aningaasaqarnermut Pisortaqarfup suliassarai.

Imm. 3. Apeqqutit nunanit allanit taarsigassarsisarnerni qularnaveeqqusiissuteqartarnernut tunngasut, tamakkununga ilanngullugit realkreditimit taarsigassarsiat, aammattaaq Aningaasaqarnermut Pisortaqarfup suliassarai.

Imm. 4. Pisortaqarfiit sullissiviillu sorliit Namminersornerullutik Oqartussat aningaaserivinni kontoinit pingaarnernit tiguisinnaanersut Aningaasaqarnermut Pisortaqarfimmit aalajangersaavigineqartassapput aanunalu pisortaqarfiit immikkoortortaqrfillu aningaaserivinni kontoisa qanoq imaqtigisarnissaat killiliivigineqartassallutik.

Imm. 5. Aningaasaqarnermut Pisortaqarfup Qitiusumik Naatsorsuuseriveqarfiata Namminersornerullutik Oqartussat qitiusumik naatsorsuuseriveqarnerata ineriartortinneqarnera, ingerlanneqarnera aserfallatsaaliorneqarneralu suliassarai. Naatsorsuuseriveqarnermi tamatumani malittarisassat, atuisunut ilitersuutit il. il. Qitiusumik Naatsorsuuseriveqarfimmit nassiussorneqartassapput aammalu Namminersornerullutik Oqartussat naatsorsuuseriveqarnerat pillugu apeqqutit pillugit pisortaqarfinnut sullissivinnullu Qitiusumik Naatsorsuuseriveqarfik siunnersortaasassalluni il. il.

Imm. 6. Landskarsip naatsorsuutaasa tulleriinilersornerqartarnerat Aningaasaqarnermut Pisortaqarfup inassuteqaatai malillugit Qitiusumik Naatsorsuuseriveqarfimmit suliarineqartassapput.

Pisortaqarfiit sullissiviillu taakkununga immikkoortortaasut

§ 5. Pisortaqarfiit suliassaqrarfimminni naatsorsuuseriveqarneq namminneq aqqissuussassaraat aammalu naatsorsuuseriveqarfissat amerlassusissaat aalajangersagassarlugu. Naatsorsuuseriveqarnermi malittarisassat malinneqarnerat pisortaqarfiit nakkutigisussaavaat aammalu paasissutissanik § 1-imi taaneqartunik pissarsisarnissaq qulakkiigassarlugu.

Imm. 2. Immikkoortortaqrarfimmi naatsorsuuserivilimmi pisortap naatsorsuuseriviup aqqissuunneqarnissaa pillugu ilitersuusiortitsissallunilu tamatuma malinneqartarnissaa nakkutigisassaraa - aammalu tamatumunga atatillugit akisussaaffiit oqartussaaffiillu pillugit malittarisassiornissaq isumagisassarlugu. Iltersuut oqartussaasunit qulliunerusinnaasunit akuerineqartussaavoq aammalu Namminersornerullutik Oqartussat iluminni kukkunersiuisuinit akuersissutigineqarsinnaasariaqarluni. Iltersuutit taamaattut suliarineqarnissaannut maleruagassanik imalimmik Aningaasaqarnermut Pisortaqarfik kaajallaasitaliussaaq.

Imm. 3. Naatsorsuuseriveqarfiit § 2, iuun. 1-imi pineqartut tamarmik Namminersornerullutik Oqartussat qitiusumik naatsorsuuseriveqarfianni periutsinik atuinissaminnut pisussaataapput.

Immikkoortortaqrarfiit qitiusumik naatsorsuuseriveqarfimmut nalunaaruteqartartussaapput aammalu malittarisassat atuisunut ilitersuutini il. il. aalajangersarneqartut naapertorlugit paasissutissat qitiusumik naatsorsuuseriveqarfimmeersut misissortarlugillu nakkutigisassallugit.

Imm. 4. Sullissiviit il. il. Namminersornerullutik Oqartussat naatsorsuuseriveqarnerat pillugu aalajangersakkani § 2, imm. 2-mi pineqartut qitiusumik naatsorsuuserisoqarfimmut atatinneqalissapput sullissiviit pineqartut pisortaqrarfisa aammalu Aningaasaqarnermut Pisortaqrarfiup akornanni iluserititassatut erseqqinnerusumik isumaqatigiissutigineqartut naapertorlugit.

KAPITALI IV

Naatsorsuuserisarnernut naatsorsuutinillu nalunaaruteqartarnernut piumasaqaatit

Akuersissutinut naatsorsuutit

§ 6. Immikkoortortaqrarfiit naatsorsuutillit, tak. § 5, imm. 1, suliatik pillugit akuersissutinut naatsorsuuteqartussaapput. Naatsorsuutini ilanngunneqartassapput immikkoortortaqrarfimmut akuersissutit, immikkoortortaqrarfiup aningaasartuutai isertitaalu aammalu pigisai akiligassalu ilanngullugit. Aammattaaq pigisat akiligassallu Namminersornerullutik Oqartussanit pigineqanngikkaluartut aammalu akiligassarineqanngikkaluartut taamaattorli inatsisinik tunngaveqarluni ingerlanneqarneranni piunerinilu Namminersornerullutik Oqartussanit akisussaaffigineqartut nalunaarsorneqartassapput.

Imm. 2. Nalunaarsuineq akuersissutinut inatsisit naapertorlugit pisassaaq suliarineqartassallunilu Namminersornerullutik Oqartussat kontolersuisarnerat Qitiusumik Naatsorsuuserisoqarfimmut suliarineqartunik ilitersuutitalik naapertorlugu. Nalunaarsuineq inunnit taama pisinnaassusilikkaniit akuersissutigineqareersoq paasissutissanillu nalunaarsuineranut pisariaqartitanik imalik ilanngussatigut uppersaasarsorneqartassaaq.

Imm. 3. Ukioq naatsorsuuseriffik ukiorlu aningaasanut inatsiseqarfik ingerlaqatigiipput.

Iliuuserisanut naatsorsuutit

§ 7. Nalunaarsuineq aaqqissuunneqassaaq ukiup aningaasanut inatsiseqarfiup ingerlanerani imaluunniit taassuma tullissaani isumaqatigiissutigeriikkat pisussaaffigiligassallu tunngavigalugit aningaasartuutissatigut isertitassatigulluunniit kingunerisassaasa kisitsisitalersukkanik amerlassusilersorlugit pisariaqartitsilerfikkut nalunaarsorneqartarsinnaanngorlugit.

Imm. 2. Nalunaarsuineq taamaattoq suliassaqrarfinni immikkut toqqakkani ingerlanneqaqqullugu Aningaasaqarnermut Pisortaqrarfik immikkoortortaqrarfinnut naatsorsuuseriffiusunut naalakkiuteqarsinnaavoq.

Immikkoortortaqrarfinni naatsorsuutit

§ 8. Nalunaarsuineq aaqqissuunneqartassaaq naatsorsuutit sulliviit immikkoortortaqrarfini, allaffini il. il. aningaasartuutit isersitallu qanoq agguataarsimaneramik paasissutissartallit pisariaqartitsilerfikkut nalunaarsorneqarsinnaanngorlugit.

Imm. 2. Sullivimmi ingerlatat paasissutissiissutigineqarnerannut annertuumik aningaasartuutaasimasut, su-lisunik atuineq il.il kisitsisinngorlugit pisariaqarnera naapertorlugu nalunaarsuineq ilanngunneqassaaq.

Imm. 3. Immikkoortut naatsorsuusiornermik ingerlatsisut iluminni atugassianik naatsorsuutini

atuisarnerat pillugu Aningaasaqarnermut Pisortaqarfik malittarisassanik erseqqinnerusunik aalajangersaasinnaavoq.

Naatsorsuutininik nalunaarsuineq

§ 9. Naatsorsuutininik aamma bilaginik uppersarsarsorneqarnissaanut pisariaqartunik imaqartinneqassapput.

Isertitat aningaasartuutillu piffissaakuutaartunngortinneqarnerat

§ 10. Aningaasartuutit isertitallu Namminersornerullutik Oqartussanut Namminersornerullutillu Oqartussanit nioqqutissanit tunniunneqartuneersut kiffartuussinerneersullu tunniunneqareerpata kiffartuussinerlu naammassippat nalunaarsorneqassapput.

Imm. 2. Aningaasartuutit isertitallu nioqqutissanik tunniusinerneersuunngippata kiffartuussinerneersuunngippatalu nalunaarsorneqassapput aningaasat amerlassusiat katinneqarsinnaalerniariapat, kingusinnerpaamillu piffissami aningaasat taakku akilernerqarfissata nalaani.

Imm. 3. Namminersornerullutik Oqartussanut piumasaqaataasut annertuut ukiumi aningasanut inatsisip atuuffigisaani amerlassusiat naatsorsuutit inaarutaasumik saqqununiunneqannginneranni inaarutaasumik naatsorsorneqarsinnaanngippat nalunaarsuineq ukiumi aningaasanut inatsisip atuuffigisaani pineqartumi aningaasartuutitut kontomi missingiussineq tunngavigalugu nalunaarsorneqartariaqarput, taamaalilluni aningaasat taakku ukiumi aningaasanut inatsisip atuuffiani piumasaqaatit inaarutaasumik naatsorsorneqarfianni aaqqiivigineqarsinnaaqqullugit.

Imm. 4. Akiliutigineqartunut aningaasartuutit akiliutinillu isertitat - matumani siumoortumik akiliutit ilanngullugit aningaasartuutit/isertitat kontoinut ingerlaannaq nuunneqarsinnaanngitsut interimkontomi nalunaarsorneqassapput inaarutaasumik nalunaarsuisoqarnissaata tungaanut.

Imm. 5. Aningaasartuutit isertitallu ukiumut naatsorsuuseriviusumut qaangiutereersumut atasut piffissani naatsorsuuserinermit inaarsaaviusussani nalunaarsorneqassapput. Nalunaarsuinerit taakku pisunut siusinnerusukkut immikkut ittumik pissuteqarluni nalunaarsorneqarsinnaasimannngitsunut taamaallaat killilersimaarneqartariaqarput.

Imm. 6. Piffissat naatsorsuuserinermit inaarsaaviusussat inaarutaasumik posterinerit nalunaarsorneqarneritut aamma atorneqassapput.

Pisortaqarfiit suliffeqarfiillu naatsorsuutininik saqqummiussineri.

§ 11. Pisortaqarfiit suliffeqarfiillu taakkununga atasut piffissap ilaanut ukiumoortumillu naatsorsuutiminnik malittarisassat Aningaasaqarnermut Pisortaqarfimmit sukkulluunniit aalajangersarneqarsimasut tunngavigalugit saqqummiussisassapput.

Imm. 2. Naatsorsuutininik saqqununiussineq piffissap ilaanoortumik ukiumoortumillu naatsorsuutininik saqqummiussineq pissaq, taakkulu Nanuninersornerullutik Oqartussat qitiusumik naatsorsuuserivía aqqutigalugu pisortaqarfiit suliffeqarfiillu paasissutissat nalunaarutaat tunngavigalugit suliarineqartassallutik.

Imm. 3. Ukiumoortumik naatsorsuutit pisassarisaasut aningaasallu siumoortumik akiliutigineqartut akiligassallu il.il eqqarsaatigalugit suliarineqartassapput, taamaalillutik naatsorsuutit ukiumi aningaasanut

inatsisip atuuffiani isertitanik aningaasartuutinillu/ kiisalu ukiup aningaasanut inatsisip atuuffiata naanerani kiisalu aningaasaatinik pigisanillu nalilinnik pigisanik eqqortumik takutitsisuussallutik.

Naatsorsuutit akuerineqarneri.

§ 12. Tunaartarisassat Aningaasaqarnermut Pisortaqaqfimmit nassiunneqarsimasut tunngavigalugit pisortaqaqfiit namminneq immikkoortullu inuninnut atasut ataatsimut ingerlataat pillugit naatsorsuutit Namminersornerullutik Oqartussat iluminni naatsorsuuserisoqarfiannut akuerisassavaat.

Imm. 2. Immikkoortoqaqfiit naatsorsuutaat immikkoortut pineqartut pisortaannit oqartussamut qullersarisaasinnaasumut Namminersornerullutillu Oqartussat iluminni naatsorsuuserisoqarfiannut akuerineqassapput.

Imm. 3. Akuersinermut ilaatillugu aningaasanik atugassatut akuersissutigineqartunik atuineq kiisalu aningaasaatit pigisallu aningaasanik nalillit nakkutilliivigineqassapput. Matumani ilanngullugu naliliiffigineqassaaq atugassatut akuersissutinik atuineq piffissami qaangiuttumi ingerlatat eqqarsaatigalugit naapertuuttuunersut, kiisalu aningaasaatit pigisallu aningaasanik nalillit naanimaginantumik annertussuseqarnersut.

Landskarsip naatsorsuutai.

§ 13. Ukiumoortumik naatsorsuutitut akuerisanut naatsorsuutitigut paasissutissat Qitiusumik Naatsorsuuserisoqarfiup landskarsip naatsorsuutaanik suliarinninneranut ilaatinneqassapput. Pisortaqaqfiit suliffeqaqfillu Aningaasaqarnermut Pisortaqaqfiup tamanna pillugu kissaateqarnera tunngavigalugu naatsorsuutitigut paasissutissanut ilassutissat pissarsiarissavaat, landskarsip naatsorsuutaasa saqqummiunneqarneranni atugassatut, matumarií Namminersornerullutik Oqartussat ingerlataat pillugit allattukkat takussutissiallu, naatsorsuutit eqqortumik paasineqarnissaannut pisariaqartinneqartut ilanngullugit.

Paasissutissat naatsorsuutitut tunngasut toqqortarineqarneri.

§ 14. Pisortaqaqfiit immikkoortullu taakkununga atasut pisussaapput piffissap ilaanut ukiumoortumillu naatsorsuutit erseqqinnerusumillu nassuiaatit, bilagit il.il. taakkununga attuumassuteqartut ukiup naatsorsuuseriorfiup naanerani ukiuni tallimani toqqortarissallugit, piffissami sivilunerusumi taakku toqqortarineqarnissaat aalajangersakkatigut allatigut aalajangersaavigineqarsimanngippat.

Imm. 2. Paasissutissat naatsorsuutitut tunngasut, matumani tunisassiornermut paasissutissat kiisalu edb-programmit toqqortarineqarnerat malittarisassat Naalakkersuisunit, Aningaasaqarnermut Pisortaqaqfimmit, Nunatta Allagaateqaqfianit, nalunaarsuiriermut nakkutilliisoqarfimmit il.il. aalajangersarneqarsimasut malillugit aamma pisassaaq.

KAPITALI 5

Akiligassat akilerneqartarnerannut atatillugu suleriaatsit nakkutilliinerlu.

Akiligassat akilerneqartarnerat

§ 15. Akiligassat akilerneqartarnerat pillugu immikkoortup suleriaasiisa akiligassat inunnit taamaaliornissamut piginnaatitaasunit akuerineqarsimasut kisimik akilerneqartarnissaat qulakkiissavaat. Taamattaarlu suleriaatsit taakku akiligassat akilerneqartut bilagiisa misissorneqartarnissaat,

anigaasartuutit akiliutigineqartartullu eqqortumik tamakkiisumillu naatsorsuutitigut nalunaarsorneqartarnissaat, kiisalu nalunaarsuineq akiligassanillu akiliineq akiligassanut bilagi akuerineqarsimasooq atorlugu pisarnissaat qulakkiissavaat.

Imm. 2. Suleriaatsit aaqqissuuneqassapput nalunaarsuinermit akiliinermilu suliamik ingerlatsisut immikkoortillugit. Tamanna ajornarpat suliffeqarfinnut ilitsersuummi tamanna pillugu immikkut ittunik aalajangersaasoqassaaq akiliutit akilerneqartarnerisa allatut iliornikkut nakkutigineqarnerisa nukittorsarneqarnissaat siunertarlugu.

Akiliutitigut isertitat.

§ 16. Akiligassatigut isertitat pillugit immikkoortup suleriaasiisa pisassarisaat tamarmik akiligassatigut isertitaqarf iusussatut naatsorsuutigineqartut sapinngisamik piaarnerpaamik uppersarneqartarnissaat, isertitat akiligassatigullu isertinneqartartut eqqortumik tamakkiisumillu naatsorsuutitigut nalunaarsorneratarnissaat kiisalu akiligassatigut isertitat eqqortut piffissarlu eqqorlugu akilersinneqartarnissaat qulakkiissavaat.

Imm. 2. Immikkoortut nioqqutissanik kiffartuussinernillu akiligassanngortitsillutik tunniussisartut akiligassanngortitsisarneq pillugu malittarisassanik aalajangersaassapput.

Imm. 3. Immikkoortut anigaasanik nalilinnik tigusaqartartut allakkat ammarneqartarinut atatillugu nakkutilliivimmik nalunaarsuivimmillu pilersitsissapput.

Anigaasanik tigoriaannarnik ingerlatsineq.

§ 17. Pisortaqarf iit immikkoortullu ataasiakkaat anigaaserivirini qitiusumit kontot aqqutigalugit akiligassatigut isertitamik akilikkatillu sapinngisamik ingerlatinneqartittariaqarpaat. Akiliinerilli immikkoortup naminineq anigaasatigut tigoriaannaatai atorlugit ingerlanneqarsinnaapput, immikkoortoq taanna qitiusumik naatsorsuuserisoqarfik aqqutigalugu ingerlanneqarnissaminut naleqqutinngitsunik anigaasartuuteqartarlunilu isertitaqartarpat.

Imm. 2. Pisortaqarfiit suliassaqarfutimik iluanni aalajangissavaat immikkoortoqarfiit sorliit anigaasaatinik tigoriaannartigut nammineq ingerlatsissanersut, immikkoortunilu ataasiakkaani anigaasat tigoriaannaat amerlassusissaat aalajangersarlugit.

Imm. 3. Karsit allattuiffini assigisaanniluunniit akiliutit ingerlaavartumik nalunaarsorneqassapput.

Imm. 4. Anigaasat tigoriaannaat suliffeqarfiup akornusersorneqanngitsumik ingerlanneqarnissaanut pisariaqartinneqartunut killilerneqassapput. Anigaasat tigoriaannaat isumannaatsumik toqqortarineqassapput, anigaasanullu Namminersornerullutik Oqartussat susassarinnngisaannut akuliunneqassanatik.

Imm. 5. Immikkoortumi pisortaq imaluunniit pisortap taamaaliornissamut piginnaatitaa pisussaavoq anigaasat tassaaniittuarnissaat ariingaasallu tigoriaannaat ingerlaatinneqarnerisa illersorneqarsinnaasumik ingerlanneqarnissaat qulakkiissallugu.

KAPITALI 6

Ingerlatsinermit suliassat immikkut ittut

Ingerlatsiveqarfik nioqqutissallu uninngasuutit.

§ 18. Suliffeqarfiit pisussaapput nioqqutissat uningasuutigineqartut immikkoortillugit nalunaarsussallugit, nioqqutissat uningasuutigisat amerlassusiat pingaaruteqanngitsutut isigineqanngippat. Nalunaarsuineq nioqqutissat uninngasuutit ilumut pigineqarnerisa nioqqutissallu uninngasuutit ingerlanneqanerisa nakkutigineqarneranni tunngavissatut atorneqarsinnaasumik.

Imm. 2. Nioqqutissat uninngasuutigisat nalingi suliffeqarfiup aningaasat tigorianaanaat pillugit naatsorsuutaanut ilanngunneqassanngillat, taamaaliornissamut akuersissuteqartarnikkut inatsisitigut tunngavissinneqarsimanngippat.

Imm. 3. Nioqqutissat uninngasuutigisat suliffeqarfiup akornusersorneqarnani ingerlanneqarnissaaanut pisariaqartinneqartut kiisalu pisiniartarnermi toqqortarinninnermili aningaasatigut illersorneqarsinnaasutut isigineqartut sinnersimassanngilaat.

Pappiaranik nalilinnik ingerlatsineq.

§ 19. Pappiaratigut nalilitsigut uninngasuutit tamarmik Aningaasaqarnermut Pisorta qarfiimmit aqunneqassapput.

Legatinik ingerlatsineq.

§ 20. Aningaasat legatinut atasut taakku malittarisassa at tunngavigalugit Namminersornerullutik Oqartussat suliffeqarfiinit aqunneqartut Namminersornerullutik Oqartussat kontoplaniat tunngavigalugu suliffeqarfiit naatsorsuutaannut ilanngunneqassapput.

Imm. 2. Legatit imm. 1-imi taaneqartunit allaasut naatsorsuutitut ilanngunneqassanngillat.

Imm. 3. Legatit naatsorsuutitut ilanngunneqareersimasut, imm. 1-imili ilaatinneqanngitsut pillugit Aningaasaqarnermut Pisorta qarfik malittarisassanik aalajangersaassaaq.

Imm. 4. Legatit naatsorsuutitut ilanngunneqartut pappiaranillu nalilinnik qitiusumik ingerlatsivik aqqutigalugu pilersinneqartunik pigisaqartut suliffeqarfik obligationinik pilersitsisoq aningaaserivilluunniit akuersisaq suliffittut kontomik ingerlatsisussatut toqqassavaat.

Imm. 5. Legatit pappiarat nalillit pigisaat allat kiisalu aningaasat tigorianaanaat uninngasuutigisaat il.il. ingerlatsivittut immikkoortorta qarfiimmi akuersaasumi ingerlatassanngorlugit ilineqassapput.

Imm. 6. Legatit aningaasaataat fundatsini malittarisassanilu Justitsministeria qarfiimmit sukkulluunniit aalajangersarneqarsimasuni aalajangersakkat tunngavigalugit inissinneqassapput.

Imm. 7. Pappiaranit nalilinnit makitsinikkut eqquk-kanit iluanaarutit erniallu, kiisalu legatinut akiliutitigut isertitaasinnaasut allat ingerlatsive qarfiimmi immikkoortorta qarfinnut toqqaannartumik ingerlatinneqartassapput.

Imm. 8. Imm. 4, 5, 6 aamma 7 tunngavigalugit suliassat isumagineqarnissaat kiisalu ingerlatsivimmi immikkoortorta qarfiup legati pillugu naatsorsuutitik suliaqartarnera pillugit legatip siulersuisuisa ingerlatsive qarfiimilu inunikkoortorta qarfiup akornanni isumaqatigiissuteqartoqassaaq.

Imm. 9. Peqqumaasiviit ingerlanneqarnerannut il.il. aningaasartuutit Namminersornerullutik Oqartussat susassa qarfiginngilaat.

Imm. 10. Fundatsi malittarisassat siuliani taaneqartut malinneqarnissaannut akornutaappat fundatsip allanngortinneqarnissaa pillugu legatip siulersuisui Aningaasaqarnermut Pisorta qarfiup isumaqatigiinniute qarfigissavai.

Aningaasanik nalillit allat ingerlanneqarnerat.

§ 21. Sanaartukkatigut aningaasanik nalillit nalunaarsorlugit allattorneqassapput, taakku immikkoortup ingerlatsinermut sanaartormullu missingersuutai imaluunniit suliffeqarfinnit allanit il.il. akeqanngitsumik nuunneqarsimanerat apeqqutaatinnagu. Nalunaarsuilluni allatuiviit aningaasanik nalillit pissarsiarineqarnerminni nalingi naliliinermilu allannguutaasinnaasut pillugit paasissutissanik kiisalu paasissutissanik ingerlatsiveqarfimmut attuumassuteqartunik ilaqartinneqassapput.

Imm. 2. Aamma taamatut suliffeqarfiup pisatai, maskinaatai, atuakkanik katersugaatai atortuutaalu naleqarnerusut allat suliffeqarfiup ingerlatsinermut missingersuutaasigut pissarsiarineqarsimasut nalunaarsorlugit allattorneqassapput. Nalunaarsuilluni allattuivinni atortut suliffeqarfinnit allanit atukkiunneqarsimasut aamma ilanngunneqartassapput.

Imm. 3. Piffissarii aalaj angersimasukkuutaani imm. 1 aamma 2 tunngavigalugit pigisat aningaasanik nalillit suli ilumut pigineqarnerusut taakkulu naammaginartumik atorineqarnerat misissorneqartassapput.

KAPITALI 7

Nalunaarummi malittarisassat saneqqunneqarnissaannut immikkut akuersissuteqartarnej.

§ 22. Nalunaarummi matumani malittarisassat Naalakkersuisut ilitsersuussinerisigut akuersissuteqarnerisigulluunniit aatsaat saneqqunneqarsinnaapput.

KAPITALI 8

Atortuulersitsineq

§ 23. Nalunaarut manna 1. marts 1995 aallarnerfigalugu atortuulersinneqarpoq.

Namminersornerullutik Oqartussat, ulloq 27. februar 1995.

Emil Abelsen

/

Peter Beck

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut